

Martxoaren 19

## SAN JOSE, MARIA BIRJINA DOHATSUAREN SENARRA

### *Gure Elizbarrutiko misioak*

#### Agurra

Jesu Kristoren grazia eta bakea izan bitez zuekin.

#### Sarrerako oharpena

Duela 150 urte Elizaren zaindari izendatua izan zen San Jose ospatzen dugu gaur, bere urte santu berezia ospatzen ari garen honetan. Elizbarrutietako misioen zaindaria ere bada eta Misioei laguntzeko izango da gure gaurko otoitza eta diru-bilketa. “Misioa senidetasuna da” dio, hain zuzen aurtengo goiburuak: Aita Santuak denok elkarren senideago izateko deia egin berri digula gogoratzuz

Ospa dezagun bihotzez gure herrietan hain maitea den jai hau.

#### Damu-otoitza

Senideok: aitor dezagun bekatari garela, eska dezagun uste onez Jaunaren erruki santutzailea:

—Jesus Jauna, entzuten irakkasten diguzuna: erruki, Jauna.

—Jesus Jauna, gugan zure Hitza erreitzen duzuna: Kristo, erruki.

—Jesus Jauna, betiko biziaren fruituak eman ditzagun zure Espirituaz sendoitzen gaituzuna: Erruki, Jauna.

Erruki dakigula Jainko guztiz ahaltsua, eta, gure bekatuak barkaturik, eraman gaitzala betiko bizira.

#### Aintza zeruetan

## Otoitza

**Jainko ahalguztiduna,  
gizadiaren salbameneko lehen-misterioak  
Jose santuaren ardura leialaren pean jarri zenituen;  
egizu, haren otoitzari esker,  
Elizak ere zaindu ditzala beti eta eraman bere betera.  
Zure Seme Jesu Kristo gure Jaunaren bitartez,  
Zurekin eta Espiritu Santuarekin batean  
Jainko eta errege bizi baita gizaldi eta gizaldietan.**

## Hitzaren liturgiari oharpena

Daviden jatorrikoa zen Jose, eta bera da Jesus jatorri horretara lotzen duena. Horrekin batera, Jainkoaren bide-laguntza gogoratzen digute irakurgetatik: eskutik garamatza; itxaropena behar dugu fededunok.

## **Lehenengo irakurgeta** (2 Sm 7, 4-5a. 12-14a. 16)

Samuel bigarren liburutik

Egun haietan, Jaunaren hitza etorri zitzaion Natani: «Zoaz eta esaiozu nire morroi Davidi: "Hau dio Jaunak: Zeure egunak bete eta zeure gurasoekin atsedan hartuko duzunean, ondorengoa emango dizut, zure erraietatik ateratakoa, eta sendotuko dut haren erregetza. Hark eraikiko dio etxea nire izenari, eta Nik betiko sendotuko diot tronua. Aita izango nau hark Ni, eta seme izango dut Nik hura.

Zure etxeak eta zure erregetzak betiko iraungo dute nire aurrean, eta zure errege-aulkiak sendo iraungo du beti"».

**Erantzun-salmoa** (*Sal* 89 [88], 2-3. 4-5. 27 eta 29)

Jau-na, zu-re mai-ta-su-na a-bes-tu-ko dut  
be-ti-ren be-ti.

Jauna, zure maitasun-egintzak kantatuko **dit**ut beti,  
zure leialtasuna iragarriko gizal**diz** gizaldi.

Bai, aitortzen dut: ‘

«Betiko eraikia dago zeruan zure **maitasuna**,  
sendo ezarria zure **leialtasuna**». R/.

Ituna egin dut neure hautatu**arekin**,  
David neure morroiari **zin** eginez:

«Sendo ezarriko dut betiko zure errege-**ja**torria,  
menderen mende eraikiko zure errege-**ge**-aulkia». R/.

Hark dei egingo dit: «Zu **nire** aita,  
nire Jainkoa, nire harkaitz sal**bat**zailea».

Beti gordeko diot neure **maitasuna**,  
sendo eutsiko harekin dudan **itunari**. R/.

**Bigarren irakurgaia** (*Erm* 4, 13. 16-18. 22)

San Paulo Apostoluak Erromatarrei egindako gutunetik

Senideok: Beren oinordekotza mundua izango zutela agindu zien Jainkoak Abrahami eta ondorengoei. Agintzari hau, ordea, ez zegokion legea betetzeari, sinesmenak duen salbamen-indarrari baizik. Beraz, agintzaria, dohain hutsa izanik, fedeari dagokio;

horrela, Abrahamen ondorengo guztientzat balio du, legearen arabera ondorengo direnentzat ez ezik, baita Abrahamen sinesmenaren arabera direnentzat ere. Bera aita dugu guztiok, Liburu Santuak dioen bezala: «Herri askoren aita egin zaitut». Abraham aita dugu, beraz, Jainkoaren aurrean, hark sinetsi egin baitzuen hildakoak biziarazten eta izaterik ez dutenak izatera deitzen dituen Jainkoagan.

Abrahamek sinetsi egin zuen, inolako itxarobiderik ez zegoenean itxaropenari eutsiz; horrela, herri askoren aita egin zen, Jainkoak esan zionaren arabera: «Horrenbeste izango dira zure ondorengoak».

Horrexegatik, hain zuzen, zintzotzat hartu zuen Jainkoak.

### Ebanjelio-aurreko gorapena (*Sal* 84 [83], 5)



Zorionekoak zure etxean bizi **di**renak  
etangabe Zu **go**resten! R/.

### Ebanjelioa (*Mt* 1, 16. 18-21. 24a)

#### Homiliarako argibideak

*Zure bila genbiltzan*

Joseren eta Mariaren eskutik tenplura joan zen Jesus, hamabi urterekin mutiko gehienak joan ohi ziren bezala; eta galdu egin zen, gurasoei ordu batzuetako eromena sortuz: “Zure aita eta biok

bila genbiltzan atsekabez". Josek, emazteak bezala, hainbeste gurasok seme-alabengatik sufritzen duen moduan sufriruko zuen eta ez zuen erantzuna ulertu: "ez al zenekiten nire Aitaren etxean egon behar nuela?". Judu zintzoen bikote honengan gauza bat ageri da: leialtasuna, ez errebelazio handietan oinarrituz, fedean oinarritua baizik, Jainkoarekiko konfiantzaz gainditzen zituztelarik eguneroko zalantzak eta ilunaldiak.

Joseren ikasbideak argiak dira. Gizon fededuna da, Jainkoaren mezuekiko bihotz-zabala eta esanekoa agertzen duena; gizon zintzoa da, Abrahamen moduan Jainkoagan sinetsi eta harekiko esperantzan bizi dena. Jainkoak bakoitzari eskatzen diona betetzen erakusten digu. Jesusen eta Mariaren zaintzaile izatea izan zen bere eginkizuna. Orain 150 urte Elizaren zaindari izendatua izan zela gogoraturaz urte santua deitu du Frantzisko Aita Santuak eta gutuna idatzi ere bai San Joseri buruz "Patris corde" izena duena, hau da: "Aita bihotzarekin". Gutun hauetan izen hauek ematen dizkio San Joseri: "aita maitatua", "gozotasunean aita", "obedientzian aita", "harrera onean aita", "ausardia sortzailean aita", "aita langilea", "itzalean dagoen aita".

Denok dugu bete beharreko eginkizun bat gure familian, gure lanean, gure eguneroko inguruan: besteei laguntzen eta besteak zoriontsu egiten saiatzen gizon eta emakume zuzenak izateaz gain, Jesusen Berri Ona guztiengana irits dadin lan egiteko eskatzen zaigu.

Eguneroko apaltasunean bete zuen Josek bere zaindari egitekoa. Jainkoak ez digu eskatzen beti eginkizun nabarmenik. Josek, gauza aipagarriak egin gabe leial izaten asmatu zuen. Hor dago koska. Ez zuen aldarrikapen ezagunik egin ezta mirari apartekorik ere. Baina eguneroko bizitzan eta lanean Jainkoari "baietz" esaten jakin zuen. Guri ere, aurtengo pazko berritasunak ez digu eskatuko liburuetan

idazteko moduko egintzarik, bai ordea gauza txiki eta garrantzitsuetan sakon eta txukun, apal eta leial jardutea.

Gure bizitzan ere, Joserren bizitzan edo Abrahamenean bezala ez dira falta zailtasunak eta zalantzak. Pertsekuzioaren aurrean ihes egin behar izan zuenean, semea galdu eta atsekabez egon zenean nahiz Jesusen historian beti bigarren mailako presentzia bat bete behar izan zuenean, Jose esaneko izan zen. Gizon portatu zen. Eskuzabal izan zen bere erantzunean “Jaunaren aingeruak esandakoa” betez.

Salbamenaren misteriora gerturatzeak, iluna eta beldurra sor dezake askotan; Jainkoa da misterio horren protagonista, Garizumako basamortuak gurutzera garamatza. Jainkoagan ez dugu sinesten ziurtasuna ematen digulako, berarekin fio garelako baizik. San Josek bezalaxe.

“Misioa senidetasuna da” goiburuarekin, gure Elizbarrutiko misioak gogoan ditugu gaur. Misiolari gutxiago ditugu, baina eskuzabal izaten jarraitzen du gure elizak, otoitzarekin eta diru-laguntzarekin misioei lagunduz. Misioarekin zerikusia duen guztia maitatzen eta sustatzen jarraitu behar dugu, misioa itxaropen iturri delako guretzat eta senideago izaten erakusten digulako. Izan gaitezen san Jose bezala ausartak eta askeak, erronka berriei aurre eginez.

### **Jainkoaren herriaren otoitza**

Senideok: egin diezaioGUN otoitz Jaunari, eta eska diezaioGUN oroi dadila gurekin, bere eskuen sorkari garenez:

*Erantzuna: Kyrie, eleison!*

Ky-ri-e, Ky-ri-e, e - lei-son! Ky-ri-e, Ky-ri-e, e - lei - son!

- Gizon egindako bere Hitzza san Joseren ardurapean jarri zuen Jaunak, lagun diezaiela Elizaren artzainei berauen esku utzi baititu graziaren sakramentuak eta salbamenaren dohainak. Egigun otoitz. R/.
- Lurra gizakiaren esku utzi eta zaintzeko agindu zion Jaunak eman diezaiela langile guztiei duintasunez eta zorionez bizitzeko behar dutena. Egigun otoitz. R/.
- Elizbarrutiko misioen alde: lurralde behartsuetan gu guztion izenean Jesusen berri ona zabaltzen ari diren gure misioen alde, hemendik haiei laguntzeko ahalegina egiten dugunon alde. Misiolaritza Elizaren jarrera ezinbestekoa dela jabetu gaitezen. Egigun otoitz. R/.
- San Josek bere lurra utzi beharraren ezina sufritzean ondoan izan zuen Jaunak, lagun diezaiela etorkinei eta zalantza artean eta estuasun larrian bizi diren guztiei. Egigun otoitz. R/.
- San Joseren heriotzan Jesus eta Maria ondoan egotea nahi izan zuen Jauna izan dadila errukitsua hiltzorian daudenekin eta lagun diezagula guri ere heriotzako orduan. Egigun otoitz. R/.

Andre Mariaren senar Jose santua gogoan dugula eskatzen dizugu, bera bitarteko dugula iritsi ditzagula geure ahultasunez eskatzera ere ausartzen ez garen guztia. Jesu Kristo gure Jaunaren bitartez.

### **Diru-bilketa egiten den unean**

Diru-bilketa gure Elizbarrutiko misioei laguntzeko izango da.

### **Prefazioa**

*San Josek bere prefazioa du, Meza liburuko 747. orrialdean.*

**Jaunartze-ondorengo otoitza**

**Aldareko janari santuaz ase duzu, Jauna,  
zeure kristau-familia hau  
Jose santuaren festaburua pozik ospatzen duen egun honetan;  
zaindu ezazu beti zeure babespean  
eta gorde berarengan Zuk maitasun handiz emandako dohainak.  
Jesu Kristo gure Jaunaren bitartez.**